



UNIVERSITÄTS-  
BIBLIOTHEK  
PADERBORN

# **Universitätsbibliothek Paderborn**

**Symma Practica Theologiae Mysticae**

**Gelen, Victor**

**Coloniae Agrippinae, 1652**

Articulus Secundus & vltimus. Oratio concludens.

**urn:nbn:de:hbz:466:1-9766**

Atque hic tandem est finis amoris mystici, quem in hac vita secundum varios status, multiplices modos atque ex parte nostra infinitas, & inobseruabiles operationes desideramus, acquirimus, fouemus, & secundum mensuram donationis Christi digerendo perficimus, pro ut Deo dante per totam hanc summam breuiter declarare, & usque ad illam, quam in futuro exspectamus gloriam, deducere conati sumus.

## ORATIO CONCLVDENS.

## ARTICVLVS VLTIMVS.

**T**rinitas, essentia, & diuinitate ac bonitate superior & præstantior, in temetipsa quidem in Nunc æterno secundissima operatione agens, & diuinæ tuæ essentiæ bonitatem digerens ad intra: ad extra verò, & quæ alioqui sunt, & non sunt, creari tamen possunt, habitans lucem inaccessibilem: ita ut nil eorum quæ sunt, super eminentiæ tuæ præstantiam ad æqualem possit. quo, qualius modo fieri potuit, ut præter te aliud quidpiam quatumvis in se præstans, ac inferiora se excedens, & esse, aut dum est persistere possit? An non vel idè Cherubim, ac purissimæ illæ intelligentiæ, cœlestesque potestates contremiscunt, ac timida cupiditate ducuntur, & quos paulò minus ab Angelis minuisti, procidunt ante sedentem in throno, & sub te curuantur qui

portant orbem, ac ingemiscit omnis homo? quid enim est omnis caro, ut audiat vocem Dei viuentis, qui de medio ignis loquitur, & viuere possit?

Sunt tamen omnia quæ fecisti in cœlo, & in terra, in mari, & in omnibus abyssis, opera tua Domine, magna, exquisita in omnes voluntates tuas; & sua quodlibet sibi proportionata felicitate sicut est, ita & existit, & ut interminæ bonitatis tuæ quædam particula, ac vestigium gaudet, & bonis suis perfruitur. hoc ipsum scilicet sola illa Bonitate tua, qua æternaliter in temetipso, secundum essentiam in unitate, secundum Personas autem in Trinitate beatissime viuis, præstante. sicut enim intermina illa, & superexaltata sublimitas tuæ Maiestas expetere videtur, ut ad intra, & tecum ab æterno nil prætere sit, minusve coexistat; ita quoq; infinitus bonitatis tuæ thesaurus, diffribuit, ut in tempore iuxta consilium voluntatis tuæ, omnia, & singula quæ sunt, & erunt, sint, existant, viuant, & in te gloriarentur ad extra; in proprio suo esse, habere, viuere, tuique communione, ac laude. Tuæ ergo bonitatis misericordia, quæ institutam maiestatis superexaltat supereminenter, sicut alia præter se, esse, existere, ac viuere cōcedit, & compatitur: ita quoque exoscere videtur, ut eorum quodlibet suo quoquo, & sibi proportionato modo, te æternum honoret, laudet, glorificetque.

Idè te sedente super solium excelsum,

a S. Dion. Theol. Myst. cap. 1.

sum, & eleuatum, pleni sunt cœli, & terra Maiestatis gloriæ tuæ, & inter adstantes exercitus cœlestium agminum, Seraphim clamant alter ad alterū, Sanctus, Sanctus, Sanctus Dominus Deus exercituum, plena est omnis terra gloria tua; commouenturq; superliminaria cardinum à voce clamoris eorum: sed & procidunt viginti quatuor Seniorcs, & mittentes coronas suas ante thronum, dant gloriam, & honorem, & benedictionem, & adorant viuētem in sœcula sœculorum: quin etiam omnis creatura quæ in cœlo est, & super terram, & sub terra, & quæ sunt in mari, & quæ in eo, omnes dicunt sedēti in throno, & agno; benedictio, & honor, & gloria, & potestas in sœcula sœculorum.

En ergò Misericordissime Deus, cum alijs terræ vermiculus sum, existo, & vivo, plasma, & opus manuum tuarum; tua quidem bonitate creatus rectus, propria autem ingratitudine, & peccatorum voragine pabulum mortis, & tatio ignis æterni, effectus, & hinc quidem iustitiae tuæ æquitas ad barathri aby-

sum me proiecit; illinc autem superexaltans Misericordia in spem erigit, & æterna reverentia, ad tui nominis honores, laudes, & gratiarum actiones inuitat, prouocatq; quamuis ergò multiplicata sint peccata mea, super capillos capitum mei, infinitæ tamen misericordiæ tuæ memor, introibo in domum tuam, adorabo ad templum Sanctum tuum, & confitebor nomini tuo; si quo modo forte comprehendam in gratia veræ dilectionis: in qua ut comprehendar, Tu Domine IESV, qui clauem vitæ, & mortis habes, solus præstare potes, & ut præstes, ad Pedes tuos, in SS. Crucem pro me clavis transfixos, procumbo, & deprecor gemitibus inenarrabilibus; utque totum quod per curuitatem ordinati amoris, ad commutabile bonum deperdidi, hoc ipsum per hanc, quantumcunque exiguum dilectionis tuæ descriptionem, & summam; nec non per preces, & merita Sanctorum, Tibique in præstanti hoc amandi modo dicatarum animarum, cum fœnore tibi restituam; æternum supplices oro.

Tibi ergò qui potens es omnia facere superabundanter quam permisimus, aut intelligimus, secundum virtutem quæ operatur in nobis; Tibi, inquam, sit Gloria in Ecclesia, & in Christo

I E S V in omnes generationes sœculi  
sœculorum Amen.

F I N I S.

Kkk 2

INDEX